



Broj: 05-04-20-1384-4/23
Maglaj, 03.05.2023. godine

Na osnovu člana 70. Zakona o javnim nabavkama („Službeni glasnik BiH“, br. 39/14 i 59/22), člana 25. Pravilnika o javnim nabavkama u Općini Maglaj („Službene novine Općine Maglaj“, broj 13/22) i člana 42. Statuta Općine Maglaj („Službene novine općine Maglaj“, br. 8/07, 3/08 i 6/08), a u vezi sa Zapisnikom o pregledu i ocjeni ponuda, broj 05-04-20-1384-3/23 od 28.04.2023. godine, u postupku javne nabavke „Izrada Elaborata o zdravstvenom stanju stabala u drvodredima u ulicama Aleja ljiljana i Viteška, općina Maglaj“, Općinski načelnik donosi

O D L U K U

o izboru najpovoljnijeg ponuđača

I

Prihvata se preporuka Komisije za javne nabavke i ugovor za nabavku usluga izrade Elaborata o zdravstvenom stanju stabala u drvodredima u ulicama Aleja ljiljana i Viteška, općina Maglaj dodjeljuje se ponuđaču „**Šuma plan**“ d.o.o. **Banja Luka**, u skladu sa ponudom broj 53-04/23 od 25.04.2023. godine, po ukupnoj cijeni od **7.600,00 KM bez PDV-a**, odnosno **8.892,00 KM sa PDV-om**.

II

Ponuđač iz tačke I je obavezan, u roku od pet dana od dana zaprimanja ove odluke, ugovornom organu dostaviti dokumentaciju koja je tenderskom dokumentacijom određena kao dokumentacija koju dostavlja izabrani ponuđač.

III

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

IV

Ova odluka dostavlja se svim ponuđačima koji su učestvovali u postupku javne nabavke i ima se objaviti na web-stranici Općine Maglaj.

O b r a z l o ž e n j e

Odlukom o pokretanju postupka, broj 05-04-20-1384-1/23 od 30.03.2023. godine, pokrenut je postupak javne nabavke „Izrada Idejnog i Glavnog projekta sportske dvorane uz objekat Opće gimnazije i Mješovite srednje škole Maglaj“, putem konkurentskog zahtjeva za dostavu ponuda. Predmetna javna nabavka objavljena je na portalu javnih nabavki, obavještenje o nabavci broj 1140-7-2-43-3-13/23 od 12.04.2023. godine. Sažetak obavještenja o nabavci objavljen je u „Službenom glasniku BiH“, broj 26/23.

Kriterij za dodjelu ugovora u predmetnom postupku je najniža cijena.

Predmetni postupak je, u skladu sa svojim nadležnostima, provela Komisija za javne nabavke imenovana Odlukom broj 05-45-1-1069/22 od 19.05.2022. godine (u daljem tekstu: Komisija). U toku postupka, Komisija je zaprimila pristigle ponude, izvršila njihovo

otvaranje, pregled i ocjenu, prema zahtjevima i kriterijima iz tenderske dokumentacije, o čemu je sačinila odgovarajuće zapisnike, u skladu sa čl. 63. stav (5) i 65. stav (2) Zakona o javnim nabavkama.

U predmetnom postupku, Komisija je utvrdila da je blagovremeno zaprimljene četiri ponude, prema redoslijedu zaprimanja kako slijedi:

r/b	Naziv ponuđača	Datum i vrijeme zaprimanja	Cijena bez PDV-a	Cijena sa PDV-om
1.	„Inpros“ d.o.o. Mostar	27.04.2023. 08,11h	9.800,00	11.466,00
2.	„Green servis“ d.o.o. Sarajevo	27.04.2023. 09,15h	11.310,00	13.232,70
3.	„Šuma plan“ d.o.o. Banja Luka	27.04.2023. 10,25h	7.600,00	8.892,00
4.	„Wald-Projekt“ d.o.o. Bosanska Krupa	28.04.2023. 08,16h	11.400,00	13.338,00

Neblagovremenih ponuda nije bilo.

Sve zaprimljene ponude su prihvatljive prema formi, obliku i potpunosti, odnosno dostavljene su u zatvorenim kovertama, na kojima su bili navedeni svi podaci traženi tenderskom dokumentacijom.

Komisija je potom, na zatvorenoj sjednici, izvršila pregled i ocjenu ponuda, prilikom čega je utvrdila da je ponuda ponuđača „Inpros“ d.o.o. Mostar neprihvatljiva, jer imenovani ponuđač ne ispunjava uslove za kvalifikaciju koji se odnose na tehničku i profesionalnu sposobnost. Kako je obrazloženo u zapisniku o pregledu i ocjeni ponuda, ponuđač nije dokazao uspješno iskustvo u realizaciji ugovora u prethodne tri godine koji su u vezi s predmetnom nabavkom, odnosno čiji je karakter i priroda isti ili sličan predmetnoj nabavci, što je traženo tenderskom dokumentacijom. Ponuđač je dostavio dokaze o urednom izvršenju ugovora o izradi Glavnog projekta – Hortikulturalnog uređenje užeg urbanog područja općine Jablanica, ugovora o izradi Glavnog projekta u naselju Pleha LOT-1 (parterno uređenje, pješačka staza, parkinzi i zelene površine), te ugovora o izradi Glavnog projekta u naselju Pleha LOT-2 (parterno uređenje, pješačka staza, parkinzi i zelene površine). Komisija smatra da nijedan od navedenih ugovora nema za predmet usluge čiji je karakter i priroda isti ili sličan predmetnoj nabavci, a čija suština je utvrđivanje zdravstvenog stanja stabala, iz kojeg razloga je ponuda ponuđača „Inpros“ d.o.o. Mostar odbačena kao neprihvatljiva.

Ugovorni organ smatra da je ovakvo postupanje Komisije ispravno, te da je ocjena predmetne ponude izvršena pravilno i u skladu sa Zakonom i tenderskom dokumentacijom. Iako je ponuđač dokazao iskustvo u projektovanju u oblasti hortikulture i uređenja zelenih površina, karakter tih usluga se ne može smatrati istim ili sličnim uslugama ispitivanja zdravstvenog stanja stabala i sačinjavanja elaborata o provedenom ispitivanju, a što je predmet ove javne nabavke.

Komisija je utvrdila da ostale ponude ispunjavaju zahtjeve u pogledu forme, ponudene cijene, predmeta nabavke, kvalifikovanosti ponuđača i ostalih uslova traženih tenderskom dokumentacijom, zbog čega ih je ocijenila prihvatljivim.

U predmetnom postupku e-aukcija nije provedena, u skladu sa odredbom člana 2. Pravilnika o uslovima i načinu korištenja e-aukcije ("Službeni glasnik BiH", broj 66/16), tako da je konačna rang-lista, prema kriteriju za izbor ponude, sljedeća:

r/b	Naziv ponuđača	Cijena / KM bez PDV-a	Cijena / KM sa PDV-om
1.	"Šuma plan" d.o.o. Banja Luka	7.600,00	8.892,00
2.	"Green servis" d.o.o. Sarajevo	11.310,00	13.232,70
3.	"Wald-Projekt" d.o.o. Bosanska Krupa	11.400,00	13.338,00

Po završetku poslova koji spadaju u njenu nadležnost, Komisija je sačinila zapisnik o pregledu i ocjeni ponuda, u kojem je detaljno navela sve informacije relevantne za predmetni postupak, kao i preporuku rukovodiocu ugovornog organa da ugovor za nabavku usluga izrade Elaborata o zdravstvenom stanju stabala u drvodredima u ulicama Aleja ljiljana i Viteška, općina Maglaj dodijeli ponuđaču "Šuma plan" d.o.o. Banja Luka. Preporuka je, zajedno sa izvještajem o radu Komisije, dostavljena rukovodiocu ugovornog organa 28.04.2023. godine.

U postupku donošenja ove odluke, posebno su cijenjene činjenice da je Komisija, sastavljena od stručnih lica, pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijima iz tenderske dokumentacije. Ugovorni organ nije našao nepravilnosti niti propuste u radu Komisije, koji bi eventualno bili osnov za neprihvatanje date preporuke za izbor najpovoljnijeg ponuđača i dodjelu ugovora. Uvidom u priloženu dokumentaciju, utvrđeno je da je Komisija u svemu pravilno postupila, te da je izabrani ponuđač dostavio prihvatljivu ponudu, sa najnižom cijenom, a imajući u vidu navedeno, kao i činjenicu da je kriterij za dodjelu ugovora u predmetnom postupku najniža cijena, ugovorni organ je utvrdio da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Na osnovu izloženog, a primjenom člana 64. stav 1. tačka b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od pet dana od dana prijema ove odluke.

DOSTAVLJENO:

1. Ponuđači – putem maila
2. Služba za urbanizam, geodetske i imovinsko-pravne poslove
3. Web stranica
4. a/a



